

Recollida de sinaturas para a creación dunha ludoteca en Baiona

Escrito por Redación

Martes, 14 Febreiro 2012 10:00



Este é o obxectivo proposto por un grupo de nais e pais de Baiona que solicitan a ubicación dunha ludoteca nas, recentemente pechadas, instalacións municipais da Escola Infantil de O Burgo en Baiona.

Un servizo social básico nunha situación laboral na que os problemas de conciliación laboral e familiar supoñen un atranco para moitas familias á hora de poder aceptar ou procurar traballo dados os problemas de flexibilidade horaria dos que dispoñen ao ter que facerse cargo dos cativos ou depender de terceiros para facerse cargo.

A iniciativa xurde a raíz [da noticia](#) publicada por valminor.info sobre o peche e cambio dos usos da Escola Infantil de O Burgo acordada no último pleno municipal. A corporación municipal acordaba o uso das instalacións como "centro social, cultural ou de ocio para os veciños". Por este motivo Sonia Pérez, nei e veciña de Baiona, tomou a iniciativa de impulsar unha campaña en Facebook de recollida de sinaturas para recabar apoios e poder volver a presentar a solicitude ante o concello de Baiona e a Xunta para que estudien a proposta.

Conciliar vida familiar e laboral.

Recollida de sinaturas para a creación dunha ludoteca en Baiona

Escrito por Redación

Martes, 14 Febreiro 2012 10:00

Este é un dos principais motivos esgrimidos no escrito de recollida de sinaturas da campaña, pero no é o único. As instalacións da Escola infantil de O Burgo xa están adaptadas para acoller aos máis cativos e son de titularidade municipal polo que non debería ser moi complicado manter o seu uso reorientado a unha ludoteca. O modelo de éxito a seguir sería o da ludoteca municipal de Gondomar onde acuden 35 nenos e nenas e resultan un desafogo para as familias que non poden deixar os nenos ao cargo de coidadores ou familiares para poder traballar polas tardes.

As instalacións de o Burgo que albergaron durante 40 anos a Escola Infantil sería o sitio ideal para acoller este tipo de servizo sen que o concello tivese que facer un desembolso inicial para adaptar outras instalacións municipais. Un servizo que cubriría non só o período do curso escolar se non a eiva estival onde a oferta dos campamentos urbáns se reducen a un só mes e en horario de mañá e cun custe de 80€/mes por neno.

Máis información: Grupo en [Facebook](#) , campaña en Actuable.es para [asinar](#) a petición por internet